



**Claudii Fleurii Abbatis Historia Ecclesiastica**

Ab anno Christi 1460. usque ad annum 1478

**Fleury, Claude**

**August. Vind. [u.a.], 1768**

**VD18 90118332**

§. 48. Suppetiæ a Scanderbego hortatu Pontificis Ferdinando transmissæ

---

[urn:nbn:de:hbz:466:1-66459](#)

S<sup>e</sup>c<sup>u</sup>l. XV.  
A.C. 1461.

## §. XLVIII.

*Suppetiæ a Scanderbego hortatu Pontificis Ferdinando transmissæ.*

Gobelin.  
tomus. Pii II.  
l. 6.

Interim, Pontifex cum in regno Neapolitano Ferdinandum assidue tueretur, Scanderbegum Albaniæ Principem, qui Turcarum terror erat, admonuit, ut cum Mahomete inducias pacisceretur, ac Neapolis Regi adversus Calabriæ Ducem suppetias ferret. Igitur Scanderbegus cum septingentis equitibus, ac nonnullis peditum legionibus in Italiam navigat. Adventante Ferdinandus in grati animi signum Apuliae, quam olim pro more suo strenue propugnaverat, Praefectura auxit. Cum vero Scanderbegus intelligeret, quod Mahometes, violata etiam induciarum fide, crebris excursiōibus Albaniam devastaret, rupta omni mora ad sua reversus est; verebatur enim, ne, dum aliena tueretur, perderet sua. Nihilominus Ferdinandus obstricatum se Scanderbego profitebatur; sine ejus enim auxilio vel ad turpem fugam vel ad dubii certaminis discrimen compulsus fuisset. Interim vero idem Rex suis partibus opportune adjunxit Nobilem Contigliam, cuius Filiam Masconi in conjugem dedit, ejus autem Maritum omnibus, quas olim ceperat urbibus au-

xit

xit, simulque Castrovillariæ Ducem crea- Sæcul. XV.  
vit; Contigliæ vero, sub certis concor- A. C. 1461.  
diæ legibus, Marchionatum Coterenen-  
sem restituit. Unde Calabriensis Ducis  
factio tam suorum numero, quam poten-  
tia plurimum decrevit.

### §. XLIX.

#### *Bellum Castellanorum cum Mauris.*

Sub idem tempus recruduit belli furor  
Castellanos inter & Mauros. Mule-  
jus enim Hacem, qui Ismaelis Granna-  
tensem Regis Filius erat, pacis otium  
pertæsus, inscio Patre suo, quindecim  
peditum, ac Equitum quatuor millia col-  
legit, atque his cepiis auctus, in vicinio-  
res Esteponæ ditiones populabundus ir-  
rupit, secumque innumeros ferme Chri-  
stianos in duram servitutem abstraxit.  
Comperto vix tumultu, Prætores urbium,  
quæ ad fines regni sitæ erant, quan-  
tocius consensis equis Mauros infe-  
quentur, cuncta eis spolia diripiunt, at-  
que captivos liberant. Ismael sive re-  
rum ignarus esset, sive ignorantiam si-  
mularet, Filii sui temeritatem missis ad  
Castellæ Regem oratoribus, excusabat;  
Rex tamen illos ad alloquium nequa-  
quam admisit, sed adversus Mauros bel-  
lum paravit.

### §. L.